

顯志堂稿

觀山者見層嶺參差日月蔽虧而後知山之高觀海者見
洪濤瀾汗浮天無岸而後知海之大且深若其潛遠傍通
幽岫窈窕枝岐潭淪渤蕩成汜特山之橫阜海之支流固
未足以窮其全量也然而懸磴之旁瀑布界道沙汭之際
雲錦散文苟非觸膚寸興霖雨揚泥沙舞怪物則山麓水
潁亦必無此詭異之觀是即卷石細流端倪所露而其靈
變不測可以想像而得之蓋造物以旁礴鬱積之氣鍾於
川岳必使賅自然之衆妙混萬有於一科其降才於人則
負英多磊落之姿者外腴內充大含細入惟馨歎皆如洪
鐘故一斑足窺全豹此理之確然無可疑者今乃讀馮君

林一之詩而益信君受材雄鷲洞觀古今平生刻意厲行
務為有用之學凡郡國利病政治得失皆纖剖毫分燭照
數計志在剷除積弊振作頽綱起痼疾之膏肓挽狂瀾於
既倒登朝後見聞愈廣識力愈堅期出言而可行必實
事之求是以故持論侃侃恒不隨流俗會有齟齬之者由
是不獲竟其用乃退而著書以自娛顧君雖杜門却掃而
視桑梓一體痛癢相關有不便必陳於當事請更張之江
左之變僅存海澨一隅迎虎旅於壽春翦長鯨於淝濱君
之謀也蘇常酌減漕額亦賴君力成其議典邁漢家之
薄賦等同宋代之方田民困以蘇造福無量君之經畫此

其第：大者所著古文時藝以及說文算術等凡遺集若干種哲嗣申之昆季已次第付梓至於古近體詩特君之緒餘非畢生心力所專注故所作無多然觀其深窈之思清雄之氣沈鬱頓挫之筆言近旨遠寄托遙深迴非庸手所能夢見即小小結構亦必別開生面不落酬應恒蹊乃嘆人之度量相越誠不可以道里計愚者刻舟求劍壽陵餘子斤：學步而反失之豪傑之士務其大者遠者以餘事作詩人或疑其不甚經意乃所詣亦復超越如此此何異崇山插漢別鵠亦露其魁奇大海迴瀾餘波猶形其蕩涵氣脈宏深隨處發見夫豈部婁蹄涔所可比權而量力

者哉余於此事雖曾致力而東塗西抹迄無成就方滋內
愧何足以定君詩願即一端以窺全量若有可想像而得
其梗槩者因承申之比部譔諉勉綴文於簡端光緒丙子
季秋之月長洲蔣德馨謹序



夢奈詩稿

吳縣馮桂芬箸

目錄

洪鼎郵程詩思圖

劉貞婦詩

錢武肅王像爲王裔孫若浩題

顧侍萱學博蓉湖漁隱圖

錢襄桐廬泛舟圖

南歸抵王營作

西湖晚棹

錢塘懷古

岳鄂王墓

家燬於火宿棚下口號

朱葆元天平攬勝圖

灘上有紀

細柳營同賴如蘭作

出都和賴如蘭見贈

旅懷

楚霸王墓

桃花橋

江陰闔公祠

上倉行

將赴江陰

贈顧侍讀學博

禽言四首

中山出游圖

徐氏三賢像

和朱蘭坡師重游頻宮元韻

題湯孝子荀業與竹居棄稿

湯夫人斷釵圖

題同郡宗勉魯先生墨蹟

張仲遠海客琴尊圖爲觴高麗使作

黃矩卿師雪棧圖

瑤臺明月圖

題蔡庶常殿齊悼亡詩後

萱梓流芳圖

爲李石洲國瑞觀察師題圖四首

黃樹齋師王夫人調羹補袞圖

黃矩卿師大通秋泛圖

蔣淡懷惠麓雲煙圖

游龍杖歌和蕭山協揆師

張比部蜚屬題樓居圖紀其祖母守節事也

輓徐烈婦

某節婦詩

東阿王墓

山行雜詩

雨後山行

張仲遠比屋聯吟圖

潘公子曾遠古寺尋秋圖元韻

侯青甫學博根香室圖

放翁生日

謙谷上人梯山航海圖

謙谷上人詩集

爲王恩綬題楊某畫并詩

題畫

京邸聞雁

懷人詩二十首

朝鮮鄭謙齋畫山水爲潘

祖蔭題

和潘曾綬

錢中丞寶琛小象

韓崇編籬種菜圖

馬封翁小影

擊楫渡江圖沈某爲風雨中糴穀賑饑作

沈亮海陵讀書圖爲其子某題

陸某蠡市八景冊

況太守像爲喬太守松年題

風木圖

停琴待月圖

余集天平諸勝圖爲其女夫袁鍾琳題

太常仙蝶圖

戚觀察貞齋菜根圖

浦節母課荻軒圖

潘省浙江山風月圖

吳江縣

菊泉上人小影

讀孫可之集

秦平陽斤銘

萬松雲海堂圖爲張肇辰弟作

五十初度自題小影

五十初度小影又題

勃哥哥苦

張問月茂陵秋雨圖卽送其之蜀

馬侶贊小影

孔俊峰瓢城餞別圖

橘亭圖

送李古廉司寇南歸

落木

孫安人寒宵桐藥圖

送窮圖

硯銘拓本

汪小珊畫蘭

唐茂才小窗分課圖

讀始皇本紀

題色太守 克遜阿 寒衣頌卷

張味鱸觀書圖

顧椒園江南春圖爲其子題

和合圖

鄧尉歸舟

陸節婦詩

楊孝子詩

寒夜課孫圖

載菊歸莊圖

荷亭消夏圖

錫嘏軒詩

琴寄圖

送鶴圖

西湖話舊圖

讀通鑑二首

和丁雨生中丞荔枝原韻二首

寄丁中丞粵中

夢來詩稿

吳縣馮桂芬箸

洪鼎郵程詩思圖

罡風幾日天揚沙
離邊吹盡餘蘼花
曉鐘一聲客四散
蓬飄梗斷紛天涯
洪君清才出吾黨
文社儼推牛耳長
謂是青錢張鷟倫
無端紅帛劉幾枉
多君膽氣何昂藏
一笑翩然便理裝
匹騎單衫揮手去
三千里外行堂堂
道旁茅店新豐酒
旅夜孤燈色昏黝
淡墨吟成寡鵲章
何來惡夢驚炊臼
君新悼亡途中
詩寡鵲語爲識
君詩鍾呂音和平
此時都作變徵聲
蒼茫豪士陶弁氣
淒切美人香草情
同是春明座中客
讀之那禁心忤忤
我生不能手揮丈
二矛請纓投筆封
通侯又不能牧羊
坐致萬

金產布衣草屨俄軒冕男兒墮地設蓬矢豈容抑鬱居尺咫
著鞭那不追祖生擊筑還當向燕市星回又是豔陽天何當
聯袂揮征鞭一路旗亭舊游處聽唱黃河遠上篇曲水瓊林
有清讌新詞麗句爭蟬聯碧紗紅袖兩佳話會須同付紀程
編

劉貞婦詩

劉孺人烈且貞中鼎家世汾河濱祖官監司父參軍行年一
十九歸王公子名樹勲天乎何太酷公子弱年遘百六籲天
不報呼不聞那有靈絲命堪續人臣事君婦事夫刀鋸鼎鑊
甘如荼事苟有濟惟力視遑惜身體與髮膚一燈幢幢慘無
色掣刃如雪光照室割肉和藥血淚滴天陰月晦鬼神泣冥

冥豈不鑒爾誠天意遂成孺人名闕門土伯聲啞啞紫鸞分
飛黃鵠寡撫棺一慟殊未殊便從公子游地下翁曰汝來前
汝素讀書稱古先立孤難耳一死易就難舍易乃大賢溝瀆
匹婦諒君子奚取焉孺人拜搶首嚴命敢不受斷機剝薦事
可師拊茶在心棘在手無嗣有嗣姪可子亦嚴亦寬師兼母
兒名早立學早成人謂王氏今有後四十餘年如一日九族
三黨如一口風霜歷徧雨露生
天子有詔予以旌閭里觀者贊歎同其聲吁嗟乎劉孺人烈
且貞

錢武肅王像爲王裔孫若浩題

唐宋之間五十祀六姓一十四天子一鎮東南屹然峙乃與

五代相終始夾馬營眞人生華山隱者墮驢笑天下從今始
太平翩然卷甲輸歸誠鐵券金甌垂令名天意亡唐不可挽
固知神器難力征又況東南地勢難與西北爭後來南渡嗟
何成謀國豈台學孤注豎儒乃議勤王兵君王智略濟神武
與民休息成樂土莽莽中原紛弈棋烽火漫天震整鼓六橋
風月聖湖煙百萬生靈獨安堵憐才一事更可人足使孤寒
皆氣吐司勳捐環一青衫文綺浦輪來幕府錢塘祠宇肅清
高靈氣英風照千古時清將種更儒巾子孫世列清華譜蘭
芽瑜珥何聯翩靈運詩篇先述祖卽今遺像儼鬚眉紙上颯
爽來英姿錦裘駿馬好結束想見江東轉戰時

顧侍萱學博蓉湖漁隱圖

我昔蓉湖始行役桂花香裏鼓雙桡

王辰領鄉薦例謁舉使者於江陰

東風

無情春事殘飄蓬卻作江干客湖光如鏡照青衫京洛緇塵

黷舊迹落花時節每相逢一度來遊一淒絕

癸巳以來每下第輒就館是邑

秣歸聲裏江南天顛風吹浪涼無邊龍池柳色渺何處使我

迴望心悠然君才球鐙天廟器射策金門不得志暫屈芙蓉

鏡裏人來餐苜蓿盤中味君居閒散我依人同是春明失意

身披帷一笑故鄉侶無端萍跡聯湖濱羨君高致託豪素嘯

傲林泉狎鷗鷺高詠康琚招隱詩閒攜魯望浮家具一竿直

抵專城居頭銜自署煙波徒溶溶雲水盪胸臆碧山倒影蒼

潭虛我聞上古有大漁耐書刮得登後車生逢太平賤韜略

束髮不讀陰符書平生每慕任公子巨細餌牯投尾闥手揮



鼇山駭龍伯豪情勝概凌嶠壺蓬廬咫尺不可棹晴嶸無路
通天衢吁嗟乎有才如君困末秩有如巨魚失水濡泥塗風
雷變化在倏忽終當揚鬚鼓鬣滄溟墟方今

天子正崇儒珊網未許遺元珠曲水春光美且都君今有意
投竿無

錢襄桐廬泛舟圖

兩峰怒蹲不相下飛波激箭走其罅一臺雲表何高高寸土
彌助江山豪子陵當年隱大澤煙波深處閒泛宅三聘早謝
故人書一竿來伴漁父席幙紅十丈飛障天北望長安日邊
隔忍孤此景趨塵埃幾令山靈不笑劇寒江五月稱羊裘浹
汗堪嗤襦襖客建武功臣多令終東京士氣冠史策上感聖

明卜頑懦一臥奇勳超竹帛我昔挂帆經越城歌驪送客江
千行沂流天際一覓望欲遊中阻心怵怵比年行役困輪鐵
北征每值暮寒節塵驅渴走齊燕郊三千里外餐風雪亦有
荒岡莽萬重犂确不受芒鞋蹤亦有平潭積潦雨深黑半攪
沙與土羨君高致雲鶴儔清風良夜窮探幽披圖添我萬斛
愁來因名利昔人羞我不能來復何由我家邇在東海頭咫尺
安用嗟阻修何當重作汗漫游一笑便上三疊舟長風萬
里駕飛流徑捫石壁攀龍蚪劃然長嘯江天秋

南歸抵王營作

四月六千里一帆復兩輪無端出門去旋復作歸人行程默
自數一一來路循山水色如故惟有草木新歸家正初夏拾

衣穩稱身拂之心爽然上有長安塵

西湖晚棹

夕陽眾峰暝歸棹峭天風月影未到處湖煙仍障空客衫添
冷意漁唱訝波中少待明蟾起清光萬頃同

錢塘懷古

渡河不願願渡江東南半壁新造邦朱仙一鼓裂賊膽壺漿
遮道來迎降五百竟吞十萬勢痛飲黃龍志何銳關外果有
飛將軍殿上原無姪皇帝無端十二金牌來萬里一哭聲如
雷攀轂斬鞅止不得十年之功一旦灰物傷同類感狐兔志
士見幾去不顧君不見臥虎將軍飄然歸風雪蹇驢湖上路

岳鄂王墓

清流打一網壯士死二桃冤獄古時有奇慘公獨遭朝臣輕
社稷九鼎如秋毫雄哉公父子同體爲同袍金牌十二道鐘
鼎易鋸刀書生見早定大將行徒勞當時直搗入痛飲黃龍
醪策勲受上賞烏盡弓斯韜洒淚入鍾室一死輕鴻毛轉覺
莫須有二字千秋豪臣心固可憫大義安能逃墓門水千頃
誓不將冤號卻怪胥與種江頭飛怒濤

家燬於火宿柳下口號

咄咄琴書付劫塵暫依茇舍寄吟身何堪曠野風霜裏尙有
饑寒失路人

朱葆元

天平攬勝圖

羅綺春游地高秋君始來山靈亦解事眞面爲君開徑澗積

紅葉峰寒凝綠苔滄浪好風月一例入詩材

君寓滄浪亭

灘上有紀

乙未再下第走馬湘江隅逆旅有老翁揖我語路衢前歲曾
識君君猶及憶無兩度見君顏顰蹙每歎吁此間旣失意誰
令長馳驅我生閱厯久世路經崎嶇前車鑒覆轍識途資良
駒言近而旨遠願君採蕢芻我輩業農賈惟利是所趨今年
禾黍荒明歲種瓜壺今年瑜珥賤明歲飾砥砮勿犯世所忌
衣冠坐泥塗勿違世所好被褐懷瑾瑜一試不得當謂宜早
改圖轉移在反掌利鈍分須臾孟氏戒執一蒙莊斥墟拘屈
小伸斯大達人有良謨君必不能爲散髮宜江湖奚事犯霜
雪奔走徒區區兩策不一用君計毋乃迂我聞一莞爾揮鞭

前就遂

細柳營同賴

如蘭作

鹵簿傳呼來壁門屹不開軍中但聞將軍令天子之詔何爲哉持節宣言壁門啟囊韃長揖近天子天子爲之動顏色入門按轡徐至止吳楚妖氛指上都雄師十萬東南驅累月不戰戰無敵削平七國如摧枯王侯將相自有種安劉豈爲浮議動惟有此父有此子傳家才略在持重誰知功者禍之媒小兒謠諑成奇災吁嗟乎蓋代功名古罕有榮枯乃盡日者口

出都和賴

如蘭

見贈

閭闔多才君傑魁經術淹貫百氏該金門獻賦辭琦瑰咄嗟

夢溪詩稿

俗目徒驚虺我未識君心夙推竭來下第長安回燕齊道上
同趨陪示我長歌歌莫哀聳肩維誦懷抱開北地五月溽暑
催公車門外歸去來火雲匝地驚沙堆疲驢蹇蹇行虺隤羸
僮傭僕相喁哈是時山東旱魃災繡脰四圻俄蒿萊男婦跣
足占雲雷晴空萬里紅日煥憔悴滿前皆嬰孩誰爲司牧籌
栽培道旁袖手我心癢吾生況是循園陔堂上華髮霜雪皚
三年兩度趨燕臺岵岵之峰何在窺纖羽退飛空瑤璫鏡中
青鬢漸欲摧名場百折心未灰伏櫪詎肯甘驚駘造物有意
生人才忍令我輩俱塵埃先生爲我進一杯莫笑鰥生言彌
恢東風轉眼重胚胎消息同問江頭梅

旅懷

慈烏念反哺羈雁傷孤栖有情詎能免親愛嗟長離他鄉春
事薄楊柳青青依依節物易迴換故我心慘悽敝貂貯篋中怕
見來時衣獨坐思無賴愴然理朱徽幽意誰可告埃館空斜
暉

楚霸王墓

赤蛇化龍白蛇死神騅不逝空千里英雄末路兒女情白刃
紅顏照青史肯將一死殉君王一妾一馬亦足矣生前三尺
之劒裂九州死後七尺之軀五諸侯彭城一叱數里走卻向
烏江爭斷首咄嗟何物赤泉侯地下相逢顏赤否今古賢愚
一死同從容意氣誰如公天果亡我渡何益揮手笑謝艤舟
翁吁嗟乎葬用公禮史本紀千秋定論竟誰是一碑突兀峙

道旁淋漓大書楚霸王

桃花橋

月落參橫霧氣涼
渡頭隱約浸燈光
霜天夜半衝波去
車馬和人一野航

江陰閻公祠

暨城斗大江之隅
縣尉一官尤區區
天柱傾頽地維裂
孤垣七尺屹不折

王師百萬渡江來
降幡徧暨城門開
江南一路傳檄定
當車螳臂何愚哉
大令棄城走主簿
迎馬首吾所守者
國與君無國無君
誰與守我公一怒
鬚戟張箠身許國
辭慨慷二成一旅
尙光復矧茲百雉
雄金湯誰知天心
在鼎革早識全軍
氣

如墨城中雀鼠供饗食麾下南雷其心力月輪慘慘挂圍城
劍戟薄霜寒逾明烏鵲不鳴鼓角寂一營唱徹轉五更當時所度
曲曲聲淒苦笛迸裂此夕三軍淚如血西風蕭蕭江水寒飲
入我軍亦慘絕一朝城陷公坦夷噬指自書絕命詞一丈之
帛三十字血光寶氣何淋漓太祖養士長已矣猶有江干一
典史人物獨殿十七朝江山手挽三百里聯語云八十日帶
七朝人物六萬人同心取此材乃屈簿尉資有明之亡亦已
義留大明三百里江山遲中原六軍一朝潰誰與主者曰督師新安長平事非偶自
甘駢死古罕有六七萬人無一降萬骨塋今義塚名高積如阜靈
祠恰傍東平王人稱公是明睢陽我謂公節更有進夷齊庶
幾同輝光

聖朝寬大邁前古優詔褒嘉錫祠宇成周穆考亦神聖不封
首陽一坏土

上倉行

秋高稻半熟縣官急下符趣穫早完課囊橐盈路衢粃糠自
充腹好米供官輸吏言爾米惡紛紛簸與掄狼籍十三四豈
惟盡錙銖回憶鋤禾時一粒真一珠奈何至此地乃不如泥
塗吞聲語同伴相持涕淚俱載來兩三石官斛石未敷

將赴江陰

纔得輪蹄歇風帆又一涯年時半爲客咫尺總離家差喜高
堂健每懷前路賒別觴容易醉佳節正黃花

贈顧侍諶學博

曲徑深通竹平檐半蓋茅一樣容吏隱四座盡貧交尊酒那
辭滿新詩合共敲裴回不知夕月影上林梢

禽言

行不得也哥哥

行不得也哥哥白日西墮昏黑蹉跎途人至止行婆婆有人
突前掣冠去翻身一擲飛如梭金吾睡熟邏卒顏酡狼蹌中
道伊誰叫呼一寒欲徹骨窮巷西風多破帽值無幾露頂寒
奈何行不得也哥哥

泥滑滑

泥滑滑泥滑滑吃施粥人擠殺喔喔晨雞草露未晞襪負疾
趨至顛踣無人扶行行漸近遇來者搖手爲言已後期

提葫蘆

提葫蘆提葫蘆民無食何處沽官府宴客開庖厨華筵高張
吹笙竽侍兒上坐官人執壺賓從雜遝哄堂呼烏乎民無食
何處沽

割麥插禾

割麥插禾割麥插禾聲聲煙外時莫錯過君不見去年入秋
來江南雨水多卽今隴畝上渺渺起微波欲割無麥欲插無
禾割麥插禾將奈爾何

中山出遊圖

絳幘烏衫擁旆旌六街鼓寂悄聞聲而今別有乾柴市海上
居然白晝行

徐氏三賢像

工部侍郎忠仁公如珂暨次子貢士孝貞先生廷柱從子都督同知樞

平蜀勲名著簡書全吳功德在鄉閭跳梁獫狁憑夷蕩當路
豺狼孰翦除伏闕孤兒揮淚切嬰城從子枕戈虛最憐議論
遲褒典禾黍秋風國已墟

和朱蘭坡師重游頻宮元韻

早歲論經邸殿中尋還初服二疏風舊游壁沼芹牽綠佳節
琴溪杏試紅朗鑒無花推眼老大還有藥駐顏童總持壇站
東南望未合江湖署長翁

文章經術足千秋家法先秦兩漢周金石殘編蟲篆剔球鏗
鉅製鳳樓修竹孫擢秀欣貽燕蘭膳調馨合獻鳩彩勝簪來
霜髻滿不教坡老擅風流

題湯孝子

荀業與竹居棄稿

雙節一門萃蘭陵大有人作忠原孝子死國亦純臣兩世丹

忱并千秋碧血新憂時無限意風馬迺明神

指降
亂事

論詩乃餘事風雅有淵源片羽罕逾貴殘縑棄轉存丹鉛縣
盛業裘帶振清門哲嗣今儒將文名海內尊

湯夫人斷釵圖

齊女之笄豔千古儷之臨川一釵股磨笄笄全釵已殘齊女
捐軀母則完情事雖異心不異一樣英靈耿天地父忠于孝
婦貞貞一門大節全三綱斷釵吟成慨以慷五十六字紛琳
琅中有血淚飛蕭霜播之彤管諧宮商爲億萬世維倫常便
是柏舟詩二章

題同郡宗勉魯先生墨蹟

一代詞科四布衣吾宗至行世尤稀富平一疏殊歡戚負骨

零丁萬里歸

富平李先生亦同舉大科四布衣之一陳情一疏爲世傳誦

蒔花淪茗謝交游十丈塵中境自幽一種蕭齋清寂意零璣碎錦想風流

張仲遠海客琴尊圖爲觴高麗使作

古風眷縞紅雅奏諧笙等遠招四裔客結茲千載娛平泉舊

亭館嘉卉榮春初西山列屏障遙青瀾欲無雲物旣窮篠風

光足清愉中朝盛文史列坐冠簪俱三子東邦彥古兒蒼

髯鬚抽毫代咳唾鬪韻紛瓊琚

與貢使語以筆代舌

酒中發清弄四坐

酬于喁天風吹海水奇氣凌嶠壺工愁有平子狂歌斫珊瑚

翔鴻仰寥廓知音其誰乎人生重意氣文字徒區區
衣帶金石交毋渝白日何短短幽思鬱以紆搏沙聚復散君
亦歸枌榆故鄉豈不好西向催公車今昔觸潛感主客徵新
圖今春仲遠復集同人譙李萬船貢使於留客納涼之館將給海客琴樽第二圖徵詩送君去作宰努
力崇令譽瘡痍滿天地其待春風蘇希文良相手宣公活人
書且聽單父琴行矣宏遠謨君精醫理時渴選吏部不日將出宰矣

黃矩卿師雪棧圖

連峰蔽天天尺咫劍外蠶叢隔千里南棧北棧盤虛空青裂
一綫凌高穹先生手持天上節氣壓文昌捲虹蜺駢騶高駕
如行空何論邛郫坂九折惟時歲暮天積陰朔風怒號愁雲
沈破曉不覺目光眩千山萬山排瓊林十年京洛苦拘束到

此一浣縑塵襟銀海光中洗雙眼輜車所采皆璆琳論文論
山况一律不貴平衍貴奇崛先生今世揚馬僑厯落欽崎一
枝筆丹青王宰非凡才萬丈煙雲尺幅裁挂之高堂臥游足
鴻泥往事重徘徊劍門閣道在几席寒氣凜凜光皚皚四座
觀者心神開先生此行真壯哉

瑤臺明月圖

京華有客思山林手披一卷游仙吟瓊樓玉宇寄瑤想廣寒
宮遠天沈沈自古眞人居上界青豆赤華絕埃壙玉池妍嫫
敷彩雲髮塔晃朗吐光怪一輪高揭四表明琉璃世界精且
瑩洞開四萬八千戶霄階如水清無聲謂是神仙所棲宿雲
裾霞裳風蕭蕭九嶷紫府森琳琅二韭玉堂集松偃旃檀上

浮猊鼎歎網縕夢郁雲垂輪莊嚴七寶燦紅炬上層舉手招
結璘人間無此好結構清虛不遣輓紅逗滿貯玉繩金檢書
安得一椽容我儼

題蔡庶常

殷齊悼亡詩後

靈華自天上薄謫人間游殆如頂髻仙麟宴俄沍留蛩擅儷
雙影喝韻金釭酬一朝舜華謝拓館春幽幽聽車逝霄路簾
暗珊瑚鉤郎才羨磬逸策名上瀛洲卽今聽漏夜零香冷衣
篝撫之淚縷縻以寫黃門憂雲裳渺何許清都阻且修珍重
玉臺冊瑤情結十秋

萱梓流芳圖

寒巖峙孤竹柔條抱其根厥名曰慈孝勁節經冬存子野垂

魯史柏舟采周軒由來古賢達至行良所敦紫陽有孝子母
胡實恩勤早年失乾隆奉母供盤飧煢煢二十載親見冰蘖
吞母命忽不延一慟騰是捫幾日水漿絕悲哉孝子魂從母
以見父夜臺慘晨昏北風撼庭樹上有慈烏蹲宵啼一何苦
聽者懷無言宛溪清見底琴高峰峻嶒母節與子孝成史千
秋尊爾類得永錫

天子旌其門

爲李石洲

國瑞

觀察師題圖四首

四大爲禪牀蘇公解無礙終日骨節鳴仲振樂恬退異說逞
虛誕獎乃甚流輩我公識超曠見道埽芒昧輪囷一拳石脩
然淡相對冥想凌物表精氣塞宇內居安而思危乃得大自

在七箇破蒲團熱腸不能耐佛理通蒼生名言朔唐代賤子
春風中道範斯永佩

危坐圖

鼎鼎運乾象荒荒走坤軸藐躬自中處太倉一稊粟世界渺
大千芸生往來逐偉人起其間千尋峙喬嶽人海壯波瀾壁
立屹然卓豈不崇和光煦物待風燠放襄鶩八極豪氣包九
服經緯蘊方寸惻隱蘇萬物同羣乃軼羣夫豈離人獨箕穎
仿孤蹤漢宋繼黨局咄哉兩輩人聞此惜未熟

獨立圖

逐浪大化中渺然失涯涘天風挾水飛洪濤擲一紙況乘不
繫舟飄搖安所止心波一以恬萬象激無滓涉世與濟世操
縱本一理自公巡河來比年靜瓠子隻手障百川砥柱中流
峙東南數十郡安堵環百雉所願宣房宮千載平如砥覺海

張寶筏普渡衆億秭公心卽佛心公舟有如此不浪舟圖

有平而無陂大造難爲功五丁不到處亘古煙霞封猿猱失
孤影巒障森萬重就令良造御駉駉飛如龍一日勢千里到
此惟停蹤世事類如此惟公識其衷登臨愼險巇履蹈持從
容由來賢達流豈不明哲崇顧惟君國重進退非衆同世路
有夷險臣心無去從丈夫志萬里墮地縣桑蓬雄心跨壺嶠
極目空岱宗况當治平日庠谿開齏菹邛邛九折阪一叱如
行空

臨厓勒馬圖

黃樹齋師王夫人調羹補袞圖

天子之卿古侯公夫人治內經所崇采蘋沼沚用之宮盛湘
義與篚錡通紘延親織資女紅季母有言垂管彤由來勤儉

尙婦功自上達下貴賤同嶽嶽吾師今華嵩儷之玉女千仞
峰蘊華門閼銘鼎鼎鐘敎成蘋藻歌肅雍厥明贊見庭幃重酒
食是議醴醢供秦修齊滈辛盤充不數方肉與寸慈煥寒問
衣惟敬其施裘紉箴裁製工掄翟依然樵布風相莊況有齊
眉鴻早朝冠帶排琤瑤臣道婦道偕唱喁大臣經國蠶與農
要爲民氣成和豐酒漿莫挹杼軸空芸生衣食厓深衷萬言
書上帝斂容明良一德千載逢公名指日金甌中燮調一氣
陰陽鎔鹽梅麴蘖甘且醲黼家黻國圖山龍衣被區宇同帡
幪六順旣備五韙從豐功偉績昭球鐫興服餐物銜恩濃鄒
縣偕拜苴茅封

黃矩卿師大通秋泛圖

侵旦戒游侶行行上東門一水清瀾瀾萬雉周城垣北人不
習水操舟同鶻輶不櫂亦不槳兩騾挽以奔天高萬籟蕭秋
氣生郊樊繞林樹策策激岸波浚浚鷗鳥作前導開襟遠塵
煩稍嘉穡事舉樂歲人語喧東吳稊稻足獵獵船旗翻七十
二沽近嶠然通仙源

蔣淡懷惠麓雲煙圖

圖中滿眼好山色山與吳儂舊曾識游山佳詠紛珠璣都是
吾鄉故人筆芙蓉湖上波淪漣素心堂前月正圓綺席華燈
夜開宴波光月影交嬋娟是時江南十月天林樾蕭颯涼無
邊萬樹西風戰黃葉迸作商意悽琴絃酣舞高歌拚醉倒當
筵意氣凌雲煙轉眼光陰驚代序白衣蒼狗須臾覩霜鐘寂

冥聽寒山宿草荒涼弔樂園況復東南近苦兵絕好湖山開
帥府千家燈火雜烽煙幾道泉聲亂金鼓零箏斷笛悄無聞
翠幔珠屏渺何許滿地江湖一敝裘祇今燕市長離愁朋儕
零落蛾眉死腸斷年年有蔣侯

游龍杖歌和蕭山協揆師

游龍水蕓也師以
意製爲杖作歌

蓬萊仙人海鶴姿腰腳輕健蒼鬚眉偶然對客一杖稽客莫
能名心然疑公也莞爾掀髯髭慷慨示以長歌詞游龍之名
見風詩秋來著花紅葳蕤經霜俄隨百草萎薪樗一例歸芟
夷得公摩挲拂拭之飾以丹漆加磨治九真靈壽同珍奇賤
子讀詩有遐思我公當代之宗師憐才心事如渴饑三持使
節南天馳大桷細采收無遺孤蘆弱質吟吾伊蝨行蟻伏分

所宜豈期化雨周無私進之匠門斧以斯懷知投分零涕淚
撫時感事勞嗟咨賢聖爲杖其此時眼前誰是梗楠資持危
扶顛平不陂坐令四海父老皆恬熙此材豈必人間稀不得
我公世孰知於庫不得我公世孰知君不見游龍杖公手持
張北部瑤屬題樓居圖紀其祖母守節事也

懷清之臺百尺修誰其繼者張氏樓樓居誓不更下地除是
相從九原裏相從九原因夙志奈此呱呱者誰寄立孤難耳
一死易甘爲其難不敢避西風蕭蕭樓上頭繞樓松竹鳴颼
颼機聲燈影課兒讀此景此情四十秋祇今累葉貽謀厚天
憐苦節昌厥後門容駟馬事則常此樓之高直欲齊牛斗

輓徐烈婦

烈婦山東人夫賈於外同居有逼之者度終不可脫
遂不食以死

青青庭前松經冬不易葉皎皎懷中璧不能涅其白卓哉徐
烈婦堅腸屹如鐵夫君遠服賈寸步守閨帟宗鄰千里遙同
室視秦越咄咄彼狂且逼處肆橫逆一彈陷上桑凜然大義
決妾身甘瓦碎妾志不可奪有如蘇子卿冰天把旌節幽囚
大窖中拍膺嚙旃雪旃雪迺不繼妾命一朝絕完此潔白軀
此軀誓同穴魂魄有所歸亮矣古貞烈寄言采風使旌揚典
無闕

某節婦詩

卓矣松筠操堅貞耐歲寒不矜匹婦諒黽勉立孤難淚盡血

恆逆虐癡身則完何容附經義止識此心安
赤手持家計能將門戶支三從夫繼子一卷母兼師夜聽紡
車戛晨謀糠覈炊卅年辛苦意不遣九原知

東阿王墓

風雅黃初有正聲雄文入斗冠羣英中原莽莽戈鋌氣東閭
翩翩詩酒情羞與父兄同事業不教賓客掩才名如君位望
猶求試淚洒空山袒褐生

山行雜詩

初秋天意雜陰晴遠近岡巒望裏平雲氣滿天中有罇萬峰
庵翳一峰明

雨後山行

煙嵐繞郭擁朝陽
泱泱流泉響野塘
萬頃新秧千畝竹
都將濃綠助山光

層坡迤邐路沿緣
一澗遙知萬壑連
隱約石城山翠裏
有人倚杖聽風泉

張仲遠比屋聯吟圖

城南老屋茅三重
屋底金石聲錚鏦
一門風雅古來少
玉階紈綺傳名早
斑管爭吟姊妹花
黃墟莫歎池塘草

君仲姊琅
先逝

邪東海才絕倫
壻鄉一例工詞藻
無奈東華十丈塵
綠楊拋卻年時春
故園風月重回首
腸斷冬釭夏簟人

君新
悼亡

潘公子

曾璋

古寺尋秋圖元韻

灌園宜野僧
叢花滿幽寺
多事訪秋人
策蹇侵曉至
戒僕擔

壺榼相謀花下醉西風一以涼天宇豁蒼翠老圃餘寒香悠
哉動詩思美人惜遲暮我思隔煙樹望遠意何如次且限跬
步繞籬嗅香氣裴裒不能去夕照催歸鞭來徑勞卻顧瞻茲
晚節佳忍使景光誤

侯青甫學博根香室圖

嶽山仙人鶴髮蒼手持綠玉三尺長紅顏不乞海上方大笑
日舉風雲鵬少年文譽威鳳翔泰山北斗時所望一官師表
崇膠庠歸田早換漁樵裝菱荷之衣薜荔裳尋詩常滿長吉
囊草書直逼張旭狂詩中有畫輞川王三絕更比顧長康一
日千紙雲煙藏綵筆盡散天花妝耆英有會師洛陽巢居穴
處終披猖不如杜陵開草堂月明何必珊瑚梁風清那羨珍

珠牀但令花草歸平章四時蟲鳥皆笙簧松菊聊充三徑荒
門前種菜貧儒莊生平豈忘冰齋黃宦游未改苜蓿腸只今
學圃仍根香此老之樂真相羊斟殿我幸窺靈光拜君如在
古鏡旁一鞭方向長安揚何年分我元修嘗祝君哽噎餐飯
強周彝之銘壽無疆

放翁生日

翁死去今六百三十有八年世上長存詩萬篇詩魂不死應
在天昔翁初生風雨淮南舟其時四海完金甌泊翁長成入
仕版帝京乃在西湖頭渡淮半步卽敵國回首能無淚填臆
夢中日日望中原壯心未灰頭已白生平不見汴水流宦游
多在東南州劍南一官居最久蘇臺亦有老屋留吳中人士

拜翁室歲歲爲翁作生日翁之生日倘有梅花開我酌梅花
三百杯一花中有一翁來

謙谷上人梯山航海圖

輦渡所未到夢中神已馳邊胸海雲碧拂袖天風遶彼岸竟
何處臨厓知返時覺迷觀自在此意大慈悲
普陀山下路燈燧幾回過白晝嘲羣鬼海氛今若何他年師
振錫試掬尾間波風水轉輪處光明洗翠螺

謙谷上人詩集

謙谷上人生淮南墮地乃在煩惱界舊家塵尾不可捉踢破
牢籠無挂礙金粟如來是後身回首紅塵三百拜生平結習
要未除夢中彩筆耀珠琲魚龍之聲雜鐘磬大笑以詩續梵

頃呼叱風雲喝牛斗吟魂上天徹天外初時說法南澗邊六
橋煙月入佳話竭來履屨大江東野鶴間雲寄深慨語語欲
吐舍利光口含眞珠作狡獪旅人秋館意無聊孤燈風雨尤
相對差喜禪關講舍連一日輒思過從再鈍根不解祖師禪
卻識君詩卽三昧當世誰是韓昌黎邂逅功名出驢背恩恩
走馬京華塵豈忘山門留玉帶

爲王

恩綴

題楊某畫并詩

夕陽粉本九龍山仙客誠齋去不還曠世知音有摩詰碎璣
零壁重人間

我與楊君未謀面讀君遺墨亦心儀題詩更有寒山叟宿草
松陵繫夢思

吳江趙
良甫

白波翠巘鬱蕭慘此是吳儂夙所耽
卻向輭紅塵堀裏蕪蒲煙雨夢江南

題畫

羣山萬壑鬱重重如山陰道上逢絕澗
雪飛千尺瀑遙空雲擁萬株松江城地僻寒
應早磴道入稀霧欲封何日樵風吹觚子
桂花香裏看龍峰

京邸問雁

又是寥空雁唳新不堪聽到客中人
一天風露驚遲暮萬里關山閱苦辛
未了名心毛義檄難排鄉思季鷹莼
江湖滿地陰雲徧欲事南征愁問津

懷人詩二十首

臯比廿載重滄浪末坐候芭載酒忙老彈風流今有幾江南
耆舊魯靈光

朱蘭坡特請師

總制威名振百蠻功成一優詔許還山宅知萬里經行處多

少香花竹馬班

林少穆督部師

兩袖春風片石裝祇今雁影斷瀟湘長安十載嗟搖落慙我

荒蕪陸氏莊

許湘嵐大令師

午夜鈴轅靜讀書清瑣風味似寒儒知君別有千秋志不爲

文章耀石渠

羅叔生太僕時視學皖江

聖清文教溥遐陬漢郡牂柯詎阻修定識文翁在巴蜀他年

風雅比中州

翁祖庚編修時視學黔中

懸厓勒馬力千鈞暫向瀟湘理釣綸祇恐蒼生待霖雨東山

未許老斯人 李石梧督部

一麾交口羨君行重外由來積習成我憶臨歧君數語高懷

獨自繼承明

張吟舫太守

宣南六載見情真公瑾醅膠劇可親一別頻年書斷絕勦勞
想見戴星人 莊衛生太守

江南春色憶山家棖觸前游天一涯西磧山前風雪裏篴輿

驂乘看梅花

吳西橋上舍

彈指前游憶廿春同袍牽藻記鵬辰晨星落落停雲遠七十

人中今幾人

吳望杞茂才

獻策歸來戀舊林循陔至樂勝朝簪莊分縑粟舟分麥辛苦

高平父子心

汪小珊水部

峻壁千尋絕岸崖自歌自哭寫孤懷酒酣別有無涯感未許
時宜一事諧

趙伯厚宮贊

幕職掄才盛李唐石溫奇遇渺難償琴書老作諸侯客誰向

風塵識孔璋

陳若木文學

不爲良相作良醫著手生春妙譽馳安得借君刀匕物徧教

大地起瘡痍

邵杏泉茂才

山中信宿慰分歧匹馬京華復唱驪何日西津橋畔路萬梅

花下坐論詩

覺阿上人

早年詞賦動公卿偏靳江東榜上名莫道冷官兼僻壤交州

士燮有賢聲

張咏仙廣文

婁江東畔柳參參冷宦蕭然苜蓿甘多少莼鱸憶歸客未須

憔悴惜江潭 金藹如廣文

經術詞章有父風 古來幾輩擅兼工 吾師當代儒宗冠 不愧
東京鄭小同 朱小坡孝廉

綸巾羽扇溯風儀 燕領功名結 主知潮海不波聲 鼓息雙
甄清寂聽吟詩 黃鶴如上公

登樓王粲歎飄蓬 廿載吳閭作寓公 漫說研田無惡歲 年來
珠桂感江東 吳菊青茂才

朝鮮鄭謙齋畫山水爲潘祖蔭題

妙契南宮一瓣香 層峰重疊樹青蒼 寥寥尺幅東光絹 海水
天風萬里長

松岳人文富瑾瑜 鄭虔三絕此齊驅 我懷白也天涯遠 誰寫

夢茶詩稿

琴樽海客圖

前在都門賜李藕船貢使
同人有琴樽海客圖詩

和潘

曾綬

風號樹不靜天地此蕭辰長抱冰淵志
巖然草土臣易窮悲
去日無盡是思親我亦終天恨同爲
洵涕人

錢中丞

寶琛小象

前塵回首廿年時澤潞扁舟載月遲
海鶴風姿今似昔祇多
憂國鬢如絲

韓崇
編籬種菜圖

早辭簪紱等羹塵薄宦歸來小圃春
漢苑儲胥雄結構幽詩
檢校小經綸素鱗翠釜全無味淡飯黃齏大有
人一種熱腸
難忘處年來此色滿郊園

馬封翁小影

幽栖不在遠心曠卽林藪庭柯亦平楚卷石等邱阜竹外雪
容與松下風颼颼俯仰愜所願了不嬰塵垢衰師最可人杖
屨侍左右功名付兒輩婆娑有此叟造適寄豪素安排見心
園長嘯秋穹高赤松倘招手

擊楫渡江圖沈某爲風雨中糴穀賑饑作

飛鴻四野正哀號豈有旁觀任我曹爲語榜人須努力好憑
忠信涉波濤

樵風百里趁斜暉履險如夷畫鷁飛兩岸歡聲聽不斷布帆
安穩麥舟歸

沈亮海陵讀書圖爲其子某題

一卷簾經在前塵不可追
琴書曾客裏燈火憶兒時
風木終天感雲山異地思
祇今勞北望兵甲滿江陲

陸某齋市八景冊

不緣風鶴問煙霞身世天
隨慣水涯鷗鷺南鄰舊相
識白波影裏認君家

手摹一幅輞川圖彷彿煙
波舊釣徒張翼庭太史安得相從理漁

具片帆秋雨夢菰蒲

況太守像爲喬太守松年題

況公之去四百有餘年至今
萬口呼青天公之英靈在眼
前公之政績垂史編大藩財
賦甲天下何事噉瀉滿四野
變醜養瘠公之功後比周羅
前比夏公起刀筆躋黃堂科
目諸公

走且僵固知西京數循吏江夏何必非貲郎郡人感公刻公
像褒鄂須眉同颯爽偶然小劫罹風霜蘚蝕苔侵付塵鞅表
章幸有賢太守一瓣心香心嚮往君不見民之父母留穹碑
後賢事事前賢師行見衢謳巷祝千里登春熙

風木圖

朔吹驚號樹不春一盂麥飯感蕭辰白楊慘慘貞山路我亦
荒邱洵涕人

停琴待月圖

欲出未出山間月有聲無聲膝上琴碧宇高高雲四卷成連
海上千秋心

余集天平諸勝圖爲其女夫袁鍾琳題

吳趨繁縟區，輒紅積昏曉。詎知出西郭，奇境插天表。羣岫排
青蒼，全湖映縹緲。西冷老詞宗，荆關擅名早。家住山水窟，尙
愛此山好。縮以一剡藤，煙霞百里繞。遺絲絕可珍，傳壻研同
寶。

太常仙蝶圖

容臺仙蹟舊相知，北海齋頭

謂李鐵梅侍郎

一見之，蹲飲雞缸馴不

去。滿窗風雪早春時。

戚觀察

貞

蔽菜根圖

四野蕭條徧菜色，全以脂膏供鼎食。有薤不拔莠，不鋤大半
良。苗飽螟螣，君亦畿南作宰身。民依稼穡心獨厪，繡衣南行
佐戎事。檐帷所到成陽春，要爲東南植元氣。萬家曜瘠還醲

醺新圖寄託意深遠肉食者鄙彼何人嗟我菰蘆抱隱痛塊
齎鄉哲勞魂夢叔苴斷壺小經綸檢校邠詩坐吟諷江上逢
君話古懽微尙與世殊鹹酸上游烽火照千里蒿目時世真
大難如何養蒙施盈室競思大嚼如封豕手無尙方三尺劍
安得盡斫根株蟠萬事可做託虛語言之涕淚紛闌干誓當
閉門手種植隨意耘非謀一餐誅茆西山最深處抱甕汲井
隨園官

浦節母課荻軒圖

自來金石聲往往出環堵幾見雕甍畫棟人黃卷青燈習攻
苦節母潘歸於浦早歲喪所天呱呱未離乳捋茶茹藥持門
戶大廈將傾隻手拄城南老屋蔽風雨遺之三世父與祖祖

父遺屋兼遺經教兒誦經慰祖父一檠青熒光映廡書聲琅琅夜漏午於今三十餘寒暑兒學早成譽翹楚崢嶸於刷雲達羽甘回蔗境春暉煦一卷笙詩譜華黍天子詔旌節母門綽楔巍峩耀庭宇區區一軒不數武庶幾懷清之臺並千古

潘 魁 沂 江山風月圖

鍵關閱五稔戶外跡久埽卻作汗漫遊翩然涉遠道衰師後來秀杖屨待幽討岷江一萬里風月貯寸抱山色與江聲一入腹稿故人帥兩楚懽然迎屣倒酬之詩數章仙帆去已杳人疑赤鯉琴亦訝青牛老遊客亦何限試與睇江表估舶競紫標官舫紛翠葆往來走如織笑事日擾擾萬類各有營

清游似君少四顧劇蒼茫天風吹浩浩

吳江縣

柏喜淫霖斷新晴復赫炎白波環縣郭赤日壓茆檐地下魚
龍瞰林深鼯鼠潛羽書江上亟屢告突無煙

菊泉上人小影

秋菊薦寒泉高吟坡老篇此中有禪悅真意幾人傳灑露諸
天意拈花一笑緣兵塵方湏洞安穩此蒲團

休夏吳淞畔招提十笏尋涼風修竹院素月綠蘿陰倦客忻
分席相邀許入林問雲早歸岫亦有羨僧心

讀孫可之集

三唐有韓柳並世孰顏行真訣遷雄秘奇才籍湜偃叢殘卅

餘作光燄千秋長異代誰知已琅邪大道王

秦平陽斤銘

二世元年春正月皇帝東巡至碣石詔立始皇金石刻凡法
度量皆明壹細及斤權亦篆畫丞相臣斯臣去疾昧死再拜
頌功德二世三世千萬億是年八月山東卒褫鉏棘矜起應
忽武關不守戲西入鐘虜毀棄金甌缺百二河山隨破裂此
權巧避紅羊劫二千餘年完不蝕考古猶知上蔡筆君愚臣
佞一朝畢閱盡興亡此寸鐵

萬松雲海堂圖爲張肇辰弟作

昔年君之隆平官酒闌送君邗江干我客邗江更一歲灑涕
西風迎素樽昭明選樓杜草堂今無其地存文章萬松雲海

堂集早行世孰知堂在縹緲虛無鄉我今讀畫心慨慷卅年
朋舊晨星光那堪春草池塘夢腸斷秋風雁一行

五十初度自題小影

萬軸牙籤一片瓊此中燥髮到華顛蹉跎建豎今生已慚愧
文章四海傳 朵殿臚名叨上第繡衣持節歷南天不才循
省良逾分多少寒儒鐵硯穿

生來傲骨獨峻嶒閱盡崎嶇氣倍增心事明明天上月知交
落落澗中冰公壯蘇賊戒嚴力持籌防正論是秋郡中粵匪
密約起事練勇阻遏潛消逆萌續辦勸捐任勞
任怨嘗暑楫聯云一點公心天地懸牛文私受鬼神誅上句
兼指均賦言均賦者吳中完糧相沿分別大小戶許洵臣撫
軍一律定價人多不一官蓬島鮎緣竹五載粉鄉鼠噉藤差
謂然而余實成其議

異東林六君子

聖明洞鑒幸堪憑

東南民力困徵輸
藿食蕭條鼎食腴
穿溜寒心成積蠹
移山隻手效孤愚
私期中澤綏
罄雁無意深淵觸
短狐猶冀將來賢
吏士終成吾志福
三吳

底須駟馬與高車
差喜兒曹知讀書
向子中年了婚嫁
香山數頃足耕漁
尋常身恥同印籍
尺寸功應問蠶魚
料檢叢殘憑炳燭
行謀歸去鍵蓬廬

余所著止算學兩小種已付梓說
文館譜補正段注考證漢書集疏
本字考歷代職官考
皆未成將次第纂輯

五十初度小影又題

有官五品勿卑小有田十頃
勿見少人生五十不爲天
何況餘生猶未了東髮讀書志
探討綺羅絲竹跡如埽
終南捷徑

避若燎環堵蕭然中處藐蒼生饑溺入寸抱蒿目時艱頭欲
掉許身稷契孤懷矯科名青紫何足道不惜身心集荼蓼要
使狂瀾挽既倒咄嗟世道習狙巧申椒不芳糞壤寶含沙三
足翔雲表小試輒已招嫉媚江湖滿地百憂悄九關欲斂愁
宵窻眼看青鬢變華皓攬鏡哀顏蒲柳早壯懷祇付東流杳
誓當扁舟泛湖溯蒹蒲煙雨夢魂繞插架圖書萬卷好丹黃
狼籍尺厚橐卅年嘔心非草草千慮詎無一得瞭名山覆瓿
聽幽渺且擁百城此中老魯齋治生夙所曉敝裘稱身粗糲
飽曾無暮夜金分秒一辦清香謝蒼昊落人寰氣浩浩雲
淨天空秋月皎

勃哥哥苦

朝不雨勃哥哥苦暮不雨勃哥哥苦朝朝暮暮迄不雨勃哥哥苦南人頂目若風舞要使平疇變焦土別有汙下地依舊多稔黍勃哥哥苦世事不平可勝數儘汝哀鳴亦何補汝不稻梁不牖戶曉曉其音脩脩羽九關虎豹磨牙怒憎汝惡聲萬一天或聞林深箐密暗中石銜弩勃哥哥苦

張問月茂陵秋雨圖卽送其之蜀

文人跡弛古多有琴心猶與無乃醜開夷曲說希時榮封禪謏書獻身後凡將草木篇不傳學問詞章總與垢君才當代賈董流成都貲郎何足倚梁園賓客發深慨樊南詩意亦未侔圖中斷章孰取義沈思始得知其由等閒一賦動天子千秋奇遇那有此憐才狗監今何人文章洵美無名氏祇今瑄

驟秋風涼欲歸不得留傍徨挾策無端走萬里題橋有願何
年償君行當出茂陵驛試訪廣川僑寓蹟仲舒晚亦家茂陵西蜀草
元亦景行蓬蒿莫問臨邛宅

馬侶贊小影

綺歲流英譽豪情百尺樓墨華飛盾鼻妖燄折旄頭犀角夸
蘇過薦肩屬馬周拂衣歸井里清嘯五湖秋

孔俊峰瓢城餞別圖

瓢城三載聽和琴此日攀轅別淚深良吏原無解凍術長官
應有議賢心君以糧艘阻冰入日被劾祇今健竹淮壩路猶想甘棠召埭
陰贏得傳家一清白嗤他積帛與囊金

橘亭圖

當年坡老荆義行種橘作亭願未成空垂楚頌千秋名君今
卜築依洞庭江陵千樹排畦町霜前露後羅瑤瓊深林秋晚
搴芳馨倘有仙翁來一杓

送李古廉司寇南歸

翩與飛鴻萬仞翔抽帆急水意難量旁人多頌東山起我祝
盤中壽且康

我纔北轍子南歸春燕秋鴻相代飛而我歸期亦先決子行
未許幾時違

陽澄湖上美絲蓴或者吳淞引釣綸倘許結鄰西崦畔萬梅
花作雨家春

吳下詩僧有覺公郊西駐錫虎溪同閒時或叩禪關去一舸

樵風馬涓東

落木

落木竟無邊蕭蕭客館前壯心悲落日鄉思逼殘年寒鵲喧
枯樹霜鴻唳遠天幾莖添白髮攬鏡一淒然

孫安人寒宵稱藥圖

庭前挺慈竹下有返哺烏衰姑在堂婦千里身不得侍心依
姑薑桂參苓益人壽婦請成方妙肘後焙之丸之敢假手曰
服亡何細分割官齋燈火明窗紗戲上不教銖黍差千裏萬
裏星郵賒一函珍重封蔻花瓣香遙祝天之涯宿痼早蠲餐
飯加願姑之壽如九數億秭京垓恆河沙舍人補圖述先德
蓼莪悲感滿煙墨乳姑往事此比倫婦道母儀萬古式我亦

楓江洵涕人

先謝恭人有楓江墓祭圖

那不披圖三歎息

送窮圖

前身顓頊舊宮中能使交窮與命窮不暇高明暇寒暇可知
五鬼劇豪雄

送罷翻教上坐延車船燒卻楔糧捐他年不礙三銓貴始信
窮通自有天

硯銘拓本

硯以作字銘以字我更作銘列銘次孳乳浸多本此義夏虞
商盤周武十有四下及兩漢橋鉞朱鼎張綬笥有其詞無其
器孰若茲銘百美萃寶之子孫無失墜

汪小珊畫蘭

蔚彼幽谷姿曾作靈均佩相期爲國香瑤華浥沆瀣鸚鵡當
關鳴偃蹇衆蔽薺申椒謂不芳充幃雜蕪穢芬馨不自明披
榛有餘慨畫蘭得蘭趣楮墨見風概矧茲三絕并尺幅抵珠
璣塵緇不許浣清風暫相對願言助好修同心結千載

唐茂才小窗分課圖

一經勝業抵金籬風雨聯牀擁短檠至竟青瑣饒至味底須
墨綬競浮名圖開五嶽心常戀室有雙峰夢亦清桃塢風流
欣尺咫綠陰喬木竊西城

讀始皇本紀

彌天罪狀千秋無焚燒六經坑諸儒古今奇慘那有此相具
五刑署斬市天待嬴政何太奇殺其賢子乃相斯殺斯卻假

趙高手高立子嬰嬰殺之一彼一此推刃墨百二河山亦分
裂驅除辛苦嗤重瞳手以九州奉沛公一晌劍落會稽守帳
中探囊宋義首鴻門舉玦乃不應俎上平安太公后始知成
敗總由天非戰之罪言誠然君不見東西兩京迄巴蜀漢家
承平六百年

題色太守

克通阿

寒衣頌卷

九族燠寒如一身解衣佳話超常倫高誼祇今不可聞清芬
克誦有使君使君循聲繡豸新所到人懷襦袴恩慙彼無衣
歌苦辛要將衽席躋斯民大裘廣廈如陽春詎止挾纊同三
軍

張味鱸觀書圖

眼底烽煙未埽除，鍵關一卷計終疏。
請纓投筆吾儕事，要讀君家地上書。

顧椒園江南春圖爲其子題

春歸倉皇不可駐，纖豪一枝勒春住。
停雲衣鉢推僧繇，

君師張研

樵高弟長康得超悟，綠波丹嶂如有神。
驅使煙墨無纖痕，金碧樓臺孰能繼。
更期大小李將軍。

和合圖

水山瓶鉢共生涯，雲鶴何天世莫知。
一自豐干饒舌後，至今萬口誦遺詩。

鄧尉歸舟

者番半月住山中，盼雪連朝暖意融。
留與歸舟開畫本，萬峰

玉立繞孤蓬

枯椿一帶認平林
繡野依稀界畫尋
此外蒼茫同一白
不分近岫與遙岑

寒威昨夜逼重茵
呵凍朝來兩手皴
江上鼓鼙聲正亟
那堪金甲鐵衣人

陸節婦詩

西風撼庭柯
羈雌啼不已
數月爲君婦
誓當相從死
一脈天
子遺百悲還
一喜阻勉舅姑命
立孤最難耳
冰檠垂廿春
嶸然君有子
辛苦君知之
妾心長已矣
楓江十里水
粼粼有如此

楊孝子詩

一掬零丁淚飄然度玉關隻身行絕塞異域返羈魂冰雪經
千嶂風煙閱萬屯回甘餘蔗境歸奉北堂萱

寒夜課孫圖

捧硯尙悲泣矧君嘗逮存孤燈餘黯淡一卷舊繙帙鉛槧珍
遺蹟巾箱漬淚痕好迫靈運作述德重文孫

載菊歸莊圖

隱逸花宜隱逸人蕭寥雲物九秋辰何時一舸樵風使我亦
柴桑願問津

荷亭消夏圖

儘教松竹滿庭前不礙滌溪自愛蓮潭鯽窺人鷗伴客水亭
風檻晚涼天

錫嘏軒詩

古之榮啟期爲樂近百年得天亦云厚家人或不傳何如今
朱翁餘福綿且延九十有六歲歸作丹山仙回首婦若兒綠
杖相隨肩迺至齊少姜天復嘉其賢萱枝蔭逾茂幼子髮已
顛綵衣作嬉戲絜養晨葩鮮一堂愛日中何必金貂蟬豈其
駐顏方別有甘菊泉自然翁德長於世多因緣天以壽報之
破格恩獨全行移南極星永向斯軒懸

琴寄圖

曾經海上別成連絕調銷沉不計年會得高山流水意何妨
終古自無絃

黑鵠丹鳬何處尋紅塵容易得知音焦桐不是干人物珍重

中郎一片心

送鶴圖

多恐孤山處士家無人寒夜守梅花
殷勤贈與三珠羽抵得瑤臺一朵霞

餐風警露幾多時海內重徵瘞鶴詩
爲是緱山雙舞慣神仙原不禁情癡

西湖話舊圖

自是同舟李郭徒相逢何況在西湖
問他萬頃荷花水流得交情一片無

分手秋風馬後塵歸來衣上酒痕新
只今賣酒餘杭姥猶說當年聽雨人

讀通鑑二首

六朝宗法若相承骨肉摧殘迭廢興誰料天西荒徼外脩然

猶有古延陵

突厥沙鉢略卒舍其子雍虞闡而立弟
處羅侯交讓至五六而處羅侯始立

異姓封王貴絕倫占公妙術果如神北軍少長全收日泉下
應須悔相人

和丁雨生中丞荔支原韻二首

世間尤物不多有記昔坡翁縱饑口四月十一事獨傳此外
誰志某月某鰕生酷慕已有年羅浮未到魂夢先恰幸我公
駐英簫采香陳紫頻年緣色味殊絕無假借不聞驛騷人怨
罵不脛而走五千里堆槃璀璨增聲價詩人飽啖興忽乘
貞先笑謂百果皆堪憎新詩酬唱熟萬口抑揚毀譽甯無憑
子謂

坡翁一去八百載作者寥寥如有待騷壇旗鼓今相當眼中
何有古人在得意我亦枯毫揮筆未落紙神先飛練帛揣量
飛燕縐冰肌想像阿環肥苦吟撚斷鬢數莖槎牙不覺心花
萌時新也得識真味竄滕安用南海行飛輪致遠具神力萬
水千山來瞬息纍纍更有荔支奴甘醲竝足傳翰墨公詩雅
意加揄揚果然一例斟瓊漿

近又永龍
眼之惠

始知白曬亦奇絕何

須剖竹誇善藏坡翁誓江意太幻願公牢把歸鞭縮籌

國餘暇戟轅閒頻寄佳篇慰望眼山中何物報清芬蠟兒風

味殊超羣

適以洞庭
枇杷爲報

古來怪事靡不有大好江山博適口李唐貢騎今已遙後塵
學步更誰某如何一瞬千餘年捷速乃在置喉先百粵五嶺

渺天末嘗新巧與吳儂緣何須酒漬事假借不煩付郵致斥
罵無翼能飛路幾千遷地而良倍聲價洞庭楊盧亦上乘對
此嚼蠟都堪憎鯁生卽事發慷慨主乃恩賓理孰憑自從通
市三十載以有易無如相待蒟醬蒲萄各炫奇滬中列肆森
然在來不須招去孰揮樓船橫海飛輪飛越胎吳榜黯無色
我人臞瘠彼臍肥根蒂深固繁枝莖及早應思剪櫟萌非無
斷斷議外攘疎闊無實難施行我公獨有迴瀾力稽帷所到
民蘇息精誠實欲格豚魚頑梗居然就繩墨如天之福波不
揚歐邏百國來壺漿折衝上策在樽俎善刀有術何妨藏似
聞近事蜃樓幻時海口小勝算祇合長纓綰三危兩階操縱
殊法古惟公具隻眼於乎今茲莫問齒牙芬待埽瀛壖鷺鷥

羣

寄丁中丞粵中

昔年從公宴官閣贈我三百紅荔支短章出袖互裁答詩思
拂拂生兩眉鄙人所作若邪莒口懾齊晉甘伏雌茲公閉關
越三載濫言痛戒莊生卮雕肝摺腎亦小技非公所喜非我
爲東南疾苦公所軫強爲公言公勿嗤昔公撫吳下車始焦
心民事霜生髭神姦額瞬公所惡貧黎剗肉公所悲愛其苗
者去其莠勿使根本功稍虧公才不愧古良弼公心直可通
牟尼吾師遺愛數十載謂林文忠公繼其後者惟公推一朝別我
南海去布帆獵獵春風吹天涯海角苦迢遞形影不得相追
隨神君德政在人口鄉里父老能言之公言鄉胥大橫暴強

夢索詩稿

如猛虎難捉羈此風豈獨嶺南有滔滔皆是遑問誰吳中得
公暫整頓風氣直欲迴澆濶伺公之行猷轉熾欺嚇鄉井如
愚癡堂皇坐者護牙爪縱使大海翔蛟螭舊科新額意翻覆
一飽遑惜千家飢平江一帶億萬戶攜鋤南望涕淚垂思公
望公不忍釋安得再見公旌旗當天赤日衆辟易驅除罔兩
鞭魑夔憶昔胥江送公處江頭楊柳青絲絲吾吳省例半公
創歎公一去誰主持鄧尉山下萬梅樹舊游惆悵今莫追承
公手翰重披覽平生襟抱有如斯灌園種竹寓言耳草木豈
足供指麾公所欲言我亦爾同聲恍若墮和旒公今研古志
不已丹黃甲乙編鱗差草廬高臥不肯起揭陽之水清漣漪
優游歲時亦云樂舊部民摸何從知盼公更建兩江節莫歎

人間長別離